



Broj: 02/B-07-SC-576-2/12

Sarajevo, 11.04.2012. godine

Parlamentarna skupština Bosne i Hercegovine
Predstavnički dom
n/r Predsjedavajućeg Milorada Živkovića

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 16.04.2012			
Organizaciona jedinica	Klasifikaciona oznaka	Redni broj	Broj priloga
01-50-1-15		25/12	

Predmet: Odgovor na poslaničko pitanje

Veza: Dopis Parlamentarne skupštine BiH broj: 01/a-50-1-15-25/12 od 02.04.2012. godine

Poštovani,

Direkcija za evropske integracije Savjeta ministara Bosne i Hercegovine zaprimila je dopis Predstavničkog doma Parlamentarne skupštine BiH (broj i datum navedeni u vezi), kojim je traženo da Direkcija odgovori na poslaničko pitanje gđe Nermine Zaimović. Gđa Zaimović je tražila da Direkcija za evropske integracije dostavi informaciju da li se radi na postizanju dogovora između Evropske komisije i BiH i kada će se dogovoriti Program kojim će se obuhvatiti sve direktive EU koje treba preuzeti zakonodavstvo BiH i definisati institucionalni i zakonodavni okvir za njihovo preuzimanje. S tim u vezi želimo da Vas obavijestimo o sljedećem:

Prema članu 70. Sporazuma o stabilizaciji i pridruživanju, Bosna i Hercegovina treba, u dogovoru sa Evropskom komisijom, pripremiti poseban program za sprovođenje SSP-a, kojim će se pažljivo pratiti usklađivanje zakonodavstva sa zakonodavstvom Zajednice i sprovođenje zakona.

Savjet ministara BiH je na 130. sjednici održanoj 19.08.2010. godine zadužio Direkciju za evropske integracije da do kraja januara 2011. godine izvrši konsultacije sa nadležnim institucijama na svim nivoima vlasti u BiH u vezi sa izradom Programa integrisanja (PI), kao i da u saradnji sa nadležnim institucijama pristupi izradi istog. Program integrisanja BiH u Evropsku uniju je dokument kojim će se definisati strateški i razvojni ciljevi zemlje, kao i politike i mjere za realizaciju tih ciljeva. Programom integrisanja se utvrđuje detaljan plan i raspored usvajanja zakonodavnih aktivnosti kojim se preuzima pravna stečevina EU, uključujući i direktive novog pristupa.

Polazeći od zaključka Savjeta ministara BiH, Direkcija je pristupila opsežnom procesu konsultacija u vezi sa uspostavljanjem efikasnog mehanizma koordinacije procesa evropskih integracija, kao neophodnog preduslova za izradu PI, i započela metodološke pripreme za njegovu izradu. Bitno je napomenuti da konsultacije o unapređenju koordinacije u procesu evropskih integracija, koje bi trebalo da rezultiraju usvajanjem nove Odluke o koordinaciji procesa evropskih integracija BiH, i koje se odvijaju uz podršku Evropske komisije, još traju.

Direkcija je u prethodnom periodu, u saradnji sa projektom tehničke pomoći „Support to the BiH Government for the European Integration process and co-ordination of Community

Assistance – Phase III“, pripremila metodologiju izrade Programa integrisanja BiH u EU, definisala strukturu Programa integrisanja, izradila smjernice za pisanje tekstualnog dijela Programa sa dva tekstualna primjera (poglavlja državna pomoć i oporezivanje), te osmislila tabele sa uputstvom za podjelu acquis-a. Pripremljeni su i dokumenti vezani za informatičku podršku izradi i praćenju sprovođenja Programa integrisanja (metodologija i uputstvo za popunjavanje baze podataka, priručnik za izradu i upotrebu PI baze podataka, tabele za izvještavanje o realizaciji Programa). Dodatno je unutar Direkcije izvršena inicijalna podjela pravnih akata EU u okviru 33 pregovaračka poglavlja prema predloženoj strukturi Programa integrisanja, te je dat inicijalni prijedlog nadležnih institucija za preuzimanje svakog pojedinačnog pravnog akta EU.

U okviru inicijalne podjele acquis-a, Direkcija za evropske integracije je dala prijedlog nadležnih institucija za preuzimanje direktiva starog i novog pristupa u okviru poglavlja Slobodno kretanje roba. Konačna podjela nadležnosti (određivanje „vlasnika“ za svaki pojedinačni pravni akt EU i određivanje relevantnosti pravnih akata EU za BiH), prema nacrtu metodologije izrade PI, treba da bude izvršena u okviru radnih grupa za evropske integracije (u slučaju direktiva starog i novog pristupa to bi bila Radna grupa 1 – Slobodno kretanje roba), koje treba da budu formirane na osnovu nove Odluke o koordinaciji procesa evropskih integracija BiH.

Planirano je da se cjelokupni proces izrade i praćenja realizacije Programa integrisanja u tehničkom smislu odvija u okviru 33 radne grupe za evropske integracije, čije formiranje je predviđeno uspostavljanjem mehanizma koordinacije procesa evropskih integracija u BiH, te je usvajanje i stupanje na snagu Odluke o koordinaciji procesa evropskih integracija BiH, preduslov za daljnji nastavak rada na izradi Programa integrisanja. Takođe, od izuzetne je važnosti obezbjeđivanje neophodnih finansijskih sredstava za izradu informacionog sistema za Program integrisanja i prevođenje na 3 službena jezika u BiH (bosanski, hrvatski i srpski), kao i na engleski jezik.

S poštovanjem,



Direktor

N. Savić
Nevenka Savić

Dostavljeno:

1. naslovu
2. a/a

01/0-50-1

15.05.2012

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1321/12
Sarajevo, 14. 5. 2012. godine

HERCEGOVINA
SKUPŠTINA BOSNE I HERCEGOVINE
SARAJEVO
BROJ: 01-50-1-15-25/12
15.05.2012

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine je na 7. sjednici održanoj 10. 5. 2012. godine utvrdilo Odgovor na zastupničko pitanje koje je postavila Nermina Zaimović-Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi dostavljanja zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1321/12
Sarajevo, 14. 5. 2012. godine

Nermina Zaimović Uzunović, poslanica u Predstavničkom domu Parlamentarne skupštine Bosne i Hercegovine, na 25. sjednici ovog doma održanoj 29. marta 2012. godine postavila je slijedeće poslaničko pitanje:

„Kada će biti urađena Strategija za razvoj infrastrukture kvaliteta u BiH?“

Na postavljeno pitanje, Vijeće ministara Bosne i Hercegovine je na 7. sjednici održanoj 10.5.2012 godine, utvrdilo slijedeći

ODGOVOR

Prvi zvanični zahtjev za izradu strategije infrastrukture kvaliteta je došao od Delegacije Evropske unije, koja je taj problem uvrstila u svoje ključne prioritete u okviru IPA programiranja za 2012-2013. godinu. U tom smislu, formirana je radna grupa koja je uključila predstavnike svih zainteresiranih institucija. Radna grupa nije postigla saglasnost po pitanju izrade strategije. S druge strane, jedan od zadataka Akcionog plana za adresiranje Mape puta usvojenog na drugoj sjednici Vijeća ministara Bosne i Hercegovine, održanoj 23.02.2012. godine, je izrada navedene strategije. Međutim, za izradu strategije nisu osigurana sredstva u Budžetu za 2012. godinu niti je predviđena njena izrada prema Programu rada Vijeća ministara BiH za 2012. godinu.

Ministarstvo vanjske trgovine i ekonomskih odnosa Bosne i Hercegovine je u svakom trenutku spremno da podrži aktivnosti na pripremi i izradi strategije infrastrukture kvaliteta u Bosni i Hercegovini.